

乳源邑誌序

誌所以記事也山川必誌人物必誌地理之異宜風俗之貞淫名賢之隱顯悉於是乎見焉財賦所出政教所施英才所表見悉於是乎準焉則誌之有係於國計民生非淺渺也一邑雖小誌亦烏可以已耶方今

聖天子在上臨軒而厘念斯民必首策聲教所暨訖幾何萬方之戶口幾何百爾臣工採列土之風謠以獻輯為成書用昭一代文明之化甚重典也則孔職蒞茲土者有民人焉有社稷焉有曠古逸蹟湮沒無傳焉有忠烈節義名山奧區待揚挖而炳著焉豐草茂林蒞芟刈而拓闢焉悉於守土是賴一邑雖小誌誠不可以已也余來守韶邦已四歷年所民情土俗乳源縣志

序

一

詢之野老稽諸佚乘大約已在目中茲奉

上行文諮列郡山川名勝闡揚先烈俾輿圖文物霞起星攢彙成東粵大觀為

天子獻則一邑雖小豈無古詰勅興者為之前宣暢沉抑者為之後乎郡之西為乳邑彈丸一塊土僻處萬山苟無其人雖美勿傳賴有裘邑宰蒐羅徃册印證今跡龐學博相與參訂讐較有遺必錄無潛不彰以仰副鉅典始知土地之靈竒芳踪之窈渺其表見固自有時也循是而風俗貞淫名賢隱顯以至地理財賦聲教攸施開卷瞭然若夫因時制宜隨俗起化以愛養斯民期不負斯舉者以不負

朝廷余於裘邑宰不能無深望焉

襄山趙霖吉巖築氏拜題



乳源縣邑誌序

古者獻民數於王王拜受之孔子大聖式負版者敬
天王重民事之義也今人誦法孔子之教一行作吏
政期上不負天王下不負民事斯不負所學爾然則
縣治之設民命所係而舉其政以出治因革損益載
在方策則邑誌之不可殘缺失次也固矣夫誌與史
相表裏史才尚疎誌法較密必覩記周詳搜採矜慎
無憾而後即安焉龍門司馬氏信史班班可攷而
孟堅猶譏其是非頗謬於聖人安得三長俱擅而行
其三代初心耶乳令裘君端嚴宿秉家傳淵源道學淹
通大家堂奧長於政事知乳二載百度脩舉凋殘起
色凡夫建學宮均糧差擒渠魁脩城垣造就人才表
章先哲諸務無才人所不能為有才人所不肯為裘

乳源縣志



序

二

君因時制宜循序而更新之又出其政治之暇博稽
文獻搜括殘篇尋源竟委編次邑誌有論斷有記叙
補舊增新標竒領異乳邑雖偏小得裘君之誌亦煥
乎有文章可矣夫今人之所務者徒以其名也裘
君才與誠合文以行傳德心克廣惠政中孚處頑囂
難治之地寬和撫輯餘刃恢恢邑乘之流傳可與青
史並垂不朽矣余樂得是誌而讀之因序數言以弁
其首

康熙貳年癸卯季冬臘月初日

賜進士出身 陽司理邵世茂永壺氏題



新脩邑誌序

一朝開創必有度越前代之規模彪炳史冊而政教號令之頒文物聲名之盛下逮薄海隄縣表章揚厲勒為邑乘所以誌一時之行實脩後世之鑒觀甚巨典也余于庚子季冬始受

命為粵乳令遠寄郵傳即有訪求縣誌一則非獨覽觀山川風氣實欲考古得失之林留意近今之務前人以何事著賢聲以何事懋嘉績彰往察來以勸以懲則縣誌之裨益良匪輕爾越辛丑夏抵任見一城如斗所在凋殘縣誌自兵寇交訌久付秦灰即前朝神廟三十年後文獻淪亾莫有作者此典遂成曠廢亦邑中一大缺陷也余觀其境內疆域東連曲江近逼水源宮徭致數十里無人煙西去縣城十五里為

乳源縣志

序

三

風門關東西山二徭交連作崇為地方患無寧時北望梅遼聲教隔遠三百里人跡罕至縣城素號頑梗南撫黃落深崗危巖峻嶺流寇出没嘯聚歷數年不鮮余蒞此彈丸孤城中團練招撫方兢兢保障之不懈奚暇進師儒而講求邑乘之事乎然猶幸有可圖治者民鄙而野士樸而敦俗不修文而亦知好義人不畏法而僅自輸糧且也城無墟市鄉無物產無玉帛之玩無聲色之娛無訟獄之煩無兵馬驛騷使客舟車之擾如坡公所云大抵皆無耳採風者可以知其山窮水盡地瘠民艱之至矣泣治朞年余固安其民俗之貧而其士民亦念余之拙也諸所廢墜漸次修舉縣治更新皆誠動而誠應之幸今時和年豐盜不入境倉有餘粟民有餘安當此之時而

興朝鼎建之令甲一時維新之政治不大著於時此則余一人之陋也余曷敢不屹屹乎是從公餘之暇與學博龐君拮蔬飲水淪脫粟而食之共脩縣誌之業補其舊而增其新上自星野山川以及賦役典禮之所存大自學校政令以至節義倫常之所重遠自闕隘備禦軍實以及城署郵市亭榭之所設微如機祥織緯裨官野史以至童歌巷語風謠節候之所陳外至仙釋異人竒聞軼事斷簡荒碑蒐輯靡遺若先正韓昌黎公藍關異跡相傳在深源鄉白牛坪嶺表竒峯插天如入雲際余兩過其處適遇大雪冰凌深數尺許行至梯下無雨花片雪若別一洞天余幼佩服昌黎文迄今猶時時記憶徘徊俯仰如得親見其人恨數百年來泯而無聞今特為立廟崇而祀之復

乳源縣志

序

四

迎主人新學尊為名宦領袖以為此方之泰山北斗庶幾頑廉懦立起衰八代乎夫乳邑之所不足者徒以其文也忠信有餘而文采不彰固守章句而未嘗深求乎韓歐大家之堂奧今而後

聖宮鼎新文運斯起又得進追昌黎先生之人之文而尊師之指顧間必有應運而興為邑乘光者庶幾山水之靈文章之杰若有神物護之而出也斯舉也余從經營縣治之餘採訪文獻刪正典章頗盡心力而學博龐君以良吏之才其所是非咸稱不謬至於闡幽表微闕疑考信繁而不整疏而有漏以俟後之君子觀其梗槩補其缺畧因時而制宜施愛養而勤教也則增脩縣誌之業未必無小補也是為序 峕

康熙貳年癸卯季夏月

吉

知乳源縣事武林東安裘秉鈞

書于縣署之慈母堂



乳源縣志

序

五

乳源縣誌

文林郎知乳源縣事武林富春裘秉鈞纂脩

儒學教諭粵東南海龐瑋全脩

典史關中咸陽孫守新視鑄

南海縣學貢生龐嘉奎

邑庠生員胡之賔

男裘

魯旦

校正


侄 裘 寅

乳源縣志

圖

一







乳源縣志

圖

二







乳源縣志

圖

三





乳源縣志

圖

四

建學首事生員

胡之賔
李天育
胡應奎

鄧玉成
羅起鴻
劉擢督理

鄧來寵
李洪科
劉以達

乳源縣志凡例

- 一 邑志以備稽考舊志簡畧所未備今臚為十二卷首志地輿次志官師次志選舉次志建置次志食貨次志祠祀次志兵防次志事紀次志良吏次志人物次志藝文附志雜記庶幾詳備靡遺
- 一 舊志昉萬曆十六年南安黃司理經始至二十九年秀水吳令續修迄今六十餘載凡舊志所載訂誤補遺非但沿習故事至于近事增入必徵文考獻不敢私臆杜撰
- 一 志中或大書或分註乃詳略煩簡之異倣古金石刻例遇 國朝惟空一字若今昔賢達及當事師長直書名氏義主臨文不諱
- 一 食貨志中徵解辨額皆遵 國朝經制編入

乳源縣志

凡例

一

- 一 良吏著績有功德載在口碑者傳之即幕職不遺以示風勵也

- 一 賢達經舊志載者仍之今所收采必生有榮號沒無遺論乃著于冊若義節貞烈有善必錄所以闡幽表微也仙釋附

- 一 藝文所錄皆有裨政教及紀載題咏境內景物餘悉從略

乳源縣知縣事東安裘秉鈞纂修

儒學教諭南海龐 璋仝修

乳源縣志目錄

卷之一

輿地志

沿革

氣候

卷之二

官師志

縣職

卷之三

選舉志

進士

封贈

卷之四

乳源縣志

目錄

建置志

城池

恤政

坊表

陂塘

卷之五

食貨志

戶口

辨額

卷之六

祠祀志

文廟

諸祠

分野

形勝

疆域

教職

武職

舉人

辟薦

歲貢

援例

省祭

公署

行署

學宮

屬署

郵舖

街市

橋路

官渡

亭榭

田土

稅糧

歲徵

物產

名宦

鄉賢

壇壝

寺觀

卷之七

兵防志

公署

兵額

卷之八

事紀志

風俗

獠獐

卷之九

治行志

良吏傳

卷之十

人物志

乳源縣志
目錄

賢達

仙釋

卷之十一

藝文志上

記

卷之十二

藝文志下

記

繪音
附

教場

團練

歲時

義士

節婦

事蹟

烈女

災異

屯田

關隘

撫良

營寨

序

紀略

詩

古蹟
附

塚墓
附

古蹟
附

序

紀略

塚墓
附

紀略

詩

乳源縣志卷之一

輿地志

古者列爵分土秦始皇置縣縣不世官至其畫疆而理則猶然分茅胙土之意焉乳源割曲江樂昌偏境峯巒環峙脉接衡湘川水紆縈會合武湏雖蕞爾僻隅而版圖上達於天府亦一隩區也按方輿而詢風俗覽山川而設險阻烏在其不可以為政乎述輿地志秉鈞識

沿革

乳源古曲江地唐虞迄周為荒服屬揚州之境秦屬南海郡漢高帝十一年以南海諸郡封尉佗為南越王邑地屬焉漢武帝元鼎五年使伏波將軍路博德平粵相呂嘉之亂以曲江湏陽浚涯三縣屬桂陽地

乳源縣志 卷之一

一

隸荆州 東漢衛觚傳云先是浚涯湏陽曲江三縣尚隸南海為粵之故地武帝平之內屬桂陽所以撤粵之門戶也後人不知但見桂陽分自長沙遂以曲江為荆楚之地然自武帝以曲江分屬桂陽而車書混一乳漢末吳主權據有南海郡邑地屬吳尋

徙交州治交趾郡而析合浦以北為廣州以曲江湏陽屬之黃武五年復析桂陽南海郡地置始興郡地屬始興

甘露元年晉太康二年將軍王濬平吳以始興郡屬廣州分

曲江地置中宿縣仍隸曲江永嘉元年置湘州地屬湘州咸和三年復屬荆州梁天監七年分曲江北境

置梁化縣即今樂昌十七年分梁化縣置平石縣隋開皇九

年省諸郡置廣州總管府於南海十二年省平石縣入梁化為樂昌其南境今縣北地也唐武德四年分

廣州之曲江始興樂昌翁源始置韶州貞觀 年改韶州為東衡州六年復名韶州縣地俱隸曲江樂昌

之間垂供四年分天下為十道隸嶺南道宋乾道三

年分曲江縣西境樂昌縣南境立乳源縣於虞塘縣
治自此始元延祐六年置韶州路總管府屬韶州路
明洪武元年改韶州路為府屬韶州府知縣張安仁
徙虞塘舊縣於洲頭即今治 國朝因之編戶六里
黃華秀曰乳源舊以鄉名在虞塘黃土嶺介曲江
樂昌之間識者謂嶺南清淑之氣自韶而始乳其
支苗孕育者耶
吳邦俊曰乳源六都楚粵之交江有之人錯居生
理繁而氣不聚縣治則卑而復高氣脉稱盛矣雖
然溪淺而石叢水行而乏鎮拮据者得無有士會
之思乎

分野

前漢書粵地牽牛婺之分野今之蒼梧鬱林南海日
乳源縣志 卷之一 二

南皆粵分晉書自南斗十二度至須七度為星紀於
辰在丑吳越分野屬楊州唐書初南斗九度中南斗
二十四度終女四度自韶廣以西朱厓以東為星紀
之次屬揚州宋史牛宿六星三星主南越明則王道
昌一統志韶州屬牛女之分星紀之次天文書熒惑
主楚越丙主楚戊主吳越邑屬韶占星從之

形勝

三峯鼎峙於其東 即紫瀧三石峯所謂通咽路是也 文秀端拱於其南 即縣前文秀峯所謂文秀
也 雙峯聳立於其西 即雙峯山所謂雙峯疊翠是也 豐崗雄鎮於其北 即縣治
是也 崗岑 是也

附乳源八景

雙峯疊翠 文秀拱庠 秀頂竒雲 臘嶺夏寒
洲頭夕照 香爐烟篆 湯泉暮春 梅花仙跡

疆域

東距嚮石嶺三十里曲江縣界西抵白花塘一百四十里陽山縣界南襟平址村一百二十五里英德縣界北枕平山二十五里曲江縣界東南至分水凹五十五里通英德縣西南至大橋村二百九十里通陽山縣東北至榮村一百二十里通樂昌西北至胡家村三百二十里通宜章東西廣一百七十里南北袤一百五十里自縣治達府陸路八十里水路一百里順流而下五十里至水口虎榜山挽舟逆水而上四十餘里至韶城水路十驛八百二十里達江南三十八驛三千七百一十里達京師八十四驛七千一百三十五里

氣候

四時寒暖不均倏寒倏熱易感成病三伏多嵐瘴隆

乳源縣志 卷之一

三

冬亦見霜雪風門臘嶺大東黃茶諸山朔風稍緊遠望多浩然亦隨消化桃李正月即花夏不可棄綿諺云不食黃茅粽寒衣不敢送有青草黃茅二瘴春秋染人

廂里

宋乾道三年分曲江縣乳源鄉四里洲頭里大富里宜壽里清江里崇信鄉八里平安上里平安下里上平上里上平下里積善上里積善中里積善下里崇恩里分樂昌新興鄉三里加昌里臣忠里石帶里共三鄉十五里立乳源縣明洪武間鄺友明作亂除滅地方止編六里

斗門都洲頭清江二里併利井都宜壽大富二里併武陽都平安上平安下上平上上平下四併龍浦都

積善上積善中積善下三里併東廂都加昌臣忠二里併成雲門都崇恩石帶二里併弘治五年立

鄉村

鄉村之大者東則打鼓墜 大塘 利村 南則
九仙 大溪 小溪 白竹 牛婆崗 大布 江
灣 西則南水 小水 西山 黃落崗 月坪
茶崗 深崗 北則扶崗 東北則雲門 西北則
龍溪 武豐 均容 出水巖 深源 梅花 遼
水 雙橋 管埠 西南則古毋水

山川

雲門山 縣北十三里脉從樂昌派分豐崗盤博高峻常○雲霧其陽有寺為文偃禪師道坊
南漢時建為禪宗五灯之一今肉身尚存
峯山 縣西二里兩峯聯峙形如双鳳半山有寺為廣
悟禪師道場宋太平間建明景泰間重修
斗門山 縣東二里 形如北斗
風門山 縣西十五里
里兩山夾峙一逕中通古
西京路夏日多風故名
泰豐山 縣西南十五里接巾子峯連九仙岩羅列
如屏四時有霧一名大東山中有
碧山 縣東南二十里
十五里石
中最高處常有
水滴凝如乳
石城山 縣東南十五里峙立如城石笋數仞森列四時
藤蘿環繞翠竹可愛一名橫石砦又名石
山 縣北三里
脉接雲門
山形如睡象
臘嶺 縣西南七里壁立峭拔高四百餘仞周二○里郴州
騎田嶺為五嶺之一此其支也夏月風寒如腊故名
梯雲嶺 縣西五十里高百餘

乳源縣志

卷之一

四

仍升如蹶梯接梅花通湖廣宜章石上殘碑字薛蝕訛不可讀俗呼
梯上梯下相傳韓愈曾經此康熙元年知縣裘秉鈞建昌黎祠其上
京道一路通管埠俗云宮村嶺
旁有梅花嶺石上有仙人跡
文秀峯 縣南五里脉來太豐三峯尖
巒形如筆架為縣治案山
秀頂峯 縣北十五里脉接雲
門三峯聯峙山頂常有異
雲即八景秀頂奇雲
鐘乳巖 縣北四里形如卧獅石穴中有石狀類龟蛇毒之有聲舊出鐘
累民成化中都
九仙巖 縣東南十五里巾子峯之上元志世傳韓氏十女九
御史韓雍奏革
石爪巖 縣東七里臨溪岩內可容數十
龍王巖 縣西一里
岩在深源地方岩內有肉身三
仙坐化對山有三德祠靈應
龍王巖 縣東十里中有石形如○其背若馬蹄踏破之
塑觀音像于中
國公巖 跡邑中人士多好游于此文學胡之真記
三峯石 縣東
里三石鼎峙其下溪流端急名紫瀧
當石 縣東南二十五里兩山夾峙水中有石突出高丈餘橫攔
即通咽南向三山俗名三王石
香爐石 縣東十五里生水中形如香炉
洲頭水 源出梯雲嶺下南流經瀧尾注縣東流入
四時有輕烟即八景香炉烟篆
渣溪水 源出瀧水經瀧尾合洲頭水入
小溪水 源出大豐山遠流九曲順文
大江縣西二十里
大溪
即縣
石高溪水 由莽山發源過青溪崗為石高水
陽溪水 在石高
水之下
七姑灘
水 一自本邑遼水來一自宜章縣長寧鄉來合流過栗
武陽溪水 由臨武縣東經宜章縣○
源堡及平山經七姑灘北合武陽水東下樂昌
沙司入乳源縣界石村東
遇武陽口水口南合七姑灘北合激溪水
激溪水 由宜章縣小瀧古堂寺南入乳源縣界至水口
下合樂昌
合武陽七姑灘三水東遇管埠樂昌瀧
湯泉 縣西二里有石如長盆地中出泉如湯沸然有氣如硫磺人多浴之四時不絕南流入洲頭水
嘉靖四年韶州府通判符錫建擬沂亭于左嘉靖己亥冬縣主簿羅東重修符錫記今廢

車于水

在南水縣西二十里

大坪溫泉

在梅花縣西北二百二十里

湯盆水

在南水縣西二十五里

西田

溫泉

在龍溪縣西三十里

海岱溫泉四

在龍溪縣三十里吳邦俊曰予讀火山湯海之書心竊異之及觀溫泉而爽然失也乳源溫泉有十惟海岱一源與

柳木橋之泉乎不易探父子同川而浴蓋亦俗之便哉

官井

在縣城中治西龍巖井

在縣南蜈蚣山石有一穴時泛黃水以為有龍潛藏禱兩靈應

前志曰柳子云地雖僻得人焉而居之則山若增

而高水若增而深誠哉是言也乳佳山水如九仙

巖香爐石湯泉諸境稱絕佳矣然皆湮滅而不稱

豈非地僻荒隅不經高人墨士臨眺品題故爾無

聞耶否則與中州勝槩等烈矣

論曰余嘗覽周官職方氏所掌名山大澤而外犬牙

相制若眉列矣雖歷代封疆各殊要以經國治人為

務鄭侯入秦首收圖籍新息策蜀聚米成山彼誠知

要務也乳源居韶西北介楚粵之交武陽其所宜備

乎至若崇山峻嶺侵雲入漢山川奇異不減七盤乃

乳源縣志

卷之一

五

雲門九仙僅以釋道著而昌黎遺跡委之兔葵雉草

而莫之顧奮藻摘詞山澤生輝存乎其人哉秉鈇識